

տու և օգնական գտան ժողովուրդք Հայոց, որպէս յայտնի տեսանի 'ի նամակէ նորին զոր գրեաց 'ի Հայս առ Կոմիտաս Կաթողիկոսն . յորում յայտ առնէ զմխիթարութիւն եւ զխնդութիւն իւր ընդ գալուստ բազմամբոս Ուխտաւորացն Հայոց 'ի Ս . Քաղաքն Երուսաղէմ, զամենայն անցս չարչարանաց զոր կրեցին 'ի Հրէից և 'ի Պարսից 'ի Ժամանակին յայնմիկ, զնորոգութիւն և զպայծառութիւն Ս . Տեղեաց, զկարգաւորութիւն պաշտօնէից ըստ իւրաքանչիւր կարգի, զխաղաղութիւն սուրբ Քաղաքին և շրջակայից նորա . « Որպէս տեսին ասէ՝ Քրիստոսասէր մարդիկդ ձեր » : Թէպէտ և առատասիրտ և կրօնասէր ժողովուրդն Հայոց յամենայնի ձեռնտու եղեն շինութեան և նորոգութեան Ս . Տեղեաց, սակայն Յոյն երէցն վերստին զնոյն հայցէ 'ի Կաթողիկոսէն, ասելով . « Եւ արկցէ 'ի միտս ձեր անգադար աղօթելով վասն մեր, և մի՛ պակասել ամենեւին 'ի յիշել և 'ի նայել 'ի մեզ և յաղքատս Երուսաղէմի, և որ ինչ պիտոյ է ընուր, եւ եթէ հնար իցէ զաստուածասէր ձեր նախանձգ և 'ի ձեռնտուութիւն շինածոյ կենարար չարչարանացն ձգել » : Ապա խնդրէ ընթեռնուլ զնամակն առաջի եպիսկոպոսաց և կղերացն Հայոց, և կնքէ զբան իւր : Ընթերցեալ Կոմիտասայ զԹուղթ Մոգեստոսի, գրեաց առ նա պատասխանի լի իմաստութեամբ, ուր ընդ այլոց բանից յուչ ածէ նմա նաեւ զառաջին ուխտաւորսն Հայոց, որք յաճախէին 'ի Տնորինական տեղիս Քրիստոսի : Պատմ . Սեբէոսի 131 . 135 :

Զինի բազմադիմի մարտից եւ պատերազմաց յաղթական գտեալ Հերակլի, եհաս մինչեւ 'ի դուռն Տիպրոն քաղաքի և 'ի հուր դատեցաւ զապարանն արքունի . թագաւորեաց Կաւատ և ետ սպանանել զԽոսրով և զորդիս նորին 40, խօսեցաւ հաշտութիւն ընդ կայսեր Յունաց . և մինչդեռ զհետ եղեալ ջանայր բարեկարգութեան աշխարհին, եհաս նմա վախճան կենաց Թագաւորեալ ամ մի և ամիսս 6 : Եւ եղին յաթոռ թագաւորութեան զԱրտաշիր զորդի նորա տղայ հասակաւ : Լուեալ զայսոսիկ Հերակլի՝ գրեաց առ Խոսրով եւ կոչեաց առ ինքն՝ խոստացեալ նմա զԹագաւորութիւնն Պարսից : Ընթերցեալ Խոսրով զնամակն՝ թողու զԱղէքսանդրիս և փութանակի հասանէ